

重輯靜海縣志卷之八

藝文目錄

靜海縣題名記

邑令 戴大槐

奉天討賊檄

邑人 郭允昌 舉人 知府

再上隍司驅妖狼文

郭允昌

三年全蠲議

郭允昌

三年加增並徵議

郭允昌

禁治獄囚議

郭允昌

重輯靜海縣志

卷八

藝文目錄

一

擬用人理財強兵救荒疏

邑人 高爾儼 進士

起社引言

邑令 胡啟睿 淮安人

高文端公文集序

邑人 杜依中 歲貢

靜海縣志序

邑人 高緝睿 兵馬司 指揮

煙園稿序

邑人 高恆懋 進士

邑侯左公勘水圖記

邑人 杜昌言 歲貢

逆河入海考

邑人 牛天垣 舉人

刑部左侍郎光祿寺卿勵公墓誌銘

浙江 陳兆崙 進士

建修義學碑記

邑令 鄭士蕙

紀同治七年四月事

湖北 郭光庭 舉人

瀛海書院勸學說

郭光庭

崇儉說

邑人 鄭懷珍 舉人

藝文詩

過靜海

元 瞿 祐

直沽口

袁 桷

代祀天妃廟次直沽作

張 翥

直沽客行

黃鎮成

直沽謠

臧夢麟

直沽

王懋德

直沽舟中

明 薛 暄 文清公

重輯靜海縣志

卷八

藝文詩

三

舟次直沽簡彭彥實

邱 濬 文莊公

舟次直沽與寶慶謝太守

李東陽

窮民歎

陳 燿

過獨流

倪 敬

登靜海城樓

張維新

過靜海

曾 棨

宿靜海僧寺同侯主事

曾 棨

過直沽

曾 棨

直沽舟中

宋訥

夜宿獨流

張甯

直沽城

王洪

直沽擢歌三首

無名氏

舟行丁沽

釋成衡

宦貧

李枝長

寄舍弟

李枝長

靜海道中

查學禮

重輯靜海縣志

卷八

藝文詩

四

唐屯舟夜

查學禮

直沽爪師歌

金大中

泊子牙河登太公釣臺作

魯之裕

靜海官齋與姪浩基話舊

劉文燿

燕山詠

王正志

登靜海城樓

王鼎

任氏四節詩

王鼎

紀事詩

邑人 高肇培 舉人

深院

邑人 高爾儼 進士

呂公歌行

高爾儼

贈元大中丞撫河南

高爾儼

雨後遊浣園觀奕晚棹而歸

高爾儼

同友過華藏菴

邑人 高恒懋 進士

自三韓歸靜海山行有感

邑人 高緝睿 兵馬司指揮

擬古絕句二首

高緝睿

熱河紀事十首

選五

邑人 勵廷儀 進士

重輯靜海縣志

卷八

藝文詩

五

清河迎駕

邑人 牛思任 進士

刻石經於辟雍頌

邑人 牛思疑 進士

釣臺懷古

邑人 牛元靖 舉人

置館教習新進紀 恩

邑人 高澤泓 進士

劉孝子廬墓詩

邑人 袁 倘 貢生

邊貞女

邑人 彭崇泰

擬杜少陵打魚歌

杜麟孫

遊華藏菴

邑人 杜依中 歲貢

表邊貞女

邑人 施德疑

散賑行

邑人 毛直

入秋雜感四首 選二

邑人 蕭重 廩生

中秋微恙口占

蕭重

新柳和韻四首 選一

蕭重

春燕四首 選一

蕭重

梅花四首 選一

蕭重

聚奎巖

蕭重

重輯靜海縣志

卷八

藝文詩

六

龍華寺題壁

蕭重

寄懷牛荻垞徵君四首 選一

蕭重

山行即事五首 選二

蕭重

排悶雜詩三十首 選五

蕭重

學殖荒落拈管茫然書以誌歎

蕭重

負薪女

蕭重

畫瘦豹自題

邑人 邊國幹 武生

題畫竹石贈友

邊國幹

院中栽柳而枯

邑人 邊雨蘭

題畫嚴子陵釣圖

邊雨蘭

子牙釣臺懷古

毛家彥

靜海八景

毛家彥

王貞女詩

毛家彥

馬烈婦歌

毛家彥

三到會川二首

湖北 謝庭書 拔貢

移任會川留別河西務士民

邑佐 焦頤齡 廩生 汪蘇人

重輯靜海縣志

卷八

藝文詩

七

郭雲卿孝廉見示近作並惠湖穎

焦頤齡

林薇園少尉七十生日

焦頤齡

靜海童試柬鄭柏崖大令

焦頤齡

防河紀事

焦頤齡

查賑夜宿運河西岸大佛寺

焦頤齡

東郭雲卿山長

焦頤齡

夏日讀蕭遠邨集

焦頤齡

中秋與計鯤波廣文

焦頤齡

予以河吏承乏會川

焦頤齡

擢任景州佐留別靜海九首

焦頤齡

呈瀛海書院山長

邑人 劉蔭椿 拔貢

壬申元日

湖北 郭光庭 舉人

和劉子年

郭光庭

和焦壬甫

郭光庭

勸俗俚言

邑人 鄭廉善 舉人

重輯靜海縣志卷之八

藝文志

文謂之藝猶曰技能不必言皆載道也舊志藝文無多大半漫漶不可識摘其脫誤未甚者錄之流連風景之辭附見其閒亦大師陳詩有則必採之意侏儒觀一節未始不可驗其風俗性情必欲立言皆與政治攸關則存者寥寥顧安所得憂時之樂府乎

靜海縣題名記

邑令 戴大槐

重輯靜海縣志

卷八

藝文志 靜海縣題名記

一

天下語重地者首畿次輔我朝定鼎金陵再徙而北綴旒天下國實爲燕師其在靜海固畿輔重邑也二百餘年來承簡書而出宰者代不乏人而姓名獨遺不紀甚缺典也雖然題名豈徒以誌東西南北之人哉國家張官置吏制之令以臨長一縣實注嚮所司其閒治行高等者則顯擢之明示以酬勞勛昭寵榮也奈何以幾幸秩滿傳舍視之又太甚則從而侵漁乎嗟乎彼獨未知大有可畏耳夫三尺易逃而公議難欺凡蒞于斯者豈無單厥心而造命此

一方民此其德澤可知也而名在則議增之榮亦豈無曠厥職而殃禍此一方民此其怨孽未已也而名在則議滋之辱昭昭乎十目所視蓋可以忽乎哉余備員無似惟前此來茲者率多循吏旣足以光昭輔邑而克成簡書矣其敢不與後之君子共砥礪追蹤焉是爲記

奉天討賊檄

邑人

郭允昌 舉人

逆賊李白成者廁身白棍逋皋綠林兔爰穴孔有司固欲安之狐語叢中天子因而在宥甘誘詭言飛惑憑黎邱之重輯靜海縣志

卷八

奉天討賊檄

二

鬼遙洗萑甲公殘行柳下之營輒敢陵皇都而遊虺驚帝駕於幻龍斲老臣之骨懸命求金寢卿士之皮橫戈改玉富人之室血染青錢志士之門烏呻白頸孀婦吞淫毀腹沉甕中之水幼閩斂虐破聲躍爨下之焚神京圯作鬼垣戾氣飛成霜雨乃又賊分各鎮暴合一揆劣衿媒祿遺妻妾而貢淫庸吏貪生對士民而書聖嗚呼三百年之養育父母昊天十五國之臣民詩書兵甲奈何覲面迓奸賊情如蠖庶幾刺心報主忠氣猶虹張良孺子擊椎震十日之

天豫讓僕臣吞炭媿二心之子我聞義士烈公在古灑登
舟之淚忍見亂臣賊子於今待拜表之行是用恭將天討
亦因憤起人心與其黨賊滅倫生如鼠而死如殽孰若匡
王洗恥小者侯而大者王搢紳無語且酬干祿之心草野
能鳴難奪匹夫之志俾乃先期應懼三綱墜地其有後至
當思烈祖在天

再上隍司驅妖狼文

職之知方城也萬頃荒茅百里邱墟神知之跖炙肝鬼射

重輯靜海縣志

卷八

再上隍司驅妖狼文

三

沙神知之茅塞中僵柳數十人五穀不至其胃神知之職
復何言職之所以捫心自痛仰天嘆絕者十年大寇一旦
斂手削地而無獵心神之靈也國之福也職何敢貪天之
功以爲己力願此鰥寡孤獨之輩素減瓶中粟以餉之口
匍匐不承也幸春萌百出各執筐器薄禳郊外聊免炊骨
豈上帝不惠降此羣狼啞一婦又啞一女哀哉以靈萬之
人至於釜無天而下同獸草食已爲古今嗚咽乃今利爪
在旁俾草根而亦奪之啖也天之劉乎神之屠乎職之罰

乎職以爲人不可盡惡不可滋亟借驅除延此饑餓之餘
生幸甚幸甚

三年全蠲議

郭允昌

闖逆首亂南陽裕州三摟屠戮所以城堆萬戶之骸野奧
十年之草人無遺種土有蒼苔厯鄉踏勘秋熟者僅百頃
耳卽此百頃之田恩免三分之一所徵亦幾何矣則是官
可無俸役可無食京邊倉口可無起解所不可必無者獨
驛遞耳本州路通九省絡繹輪蹄郵使之往來如故夫馬

重輯靜海縣志

卷八

三年全蠲議

四

之催呼如故廩糧之辦給如故而塘報軍情視昔有加一
有不給鞭箠隨之叅劾隨之乃欲以除荒除免實徵百餘
兩之銀供驛館數千金之費不待智者立見其不支矣况
漕米河夫京邊等項又在迫呼其何肉以補此也卽使賢
如管子聖如后稷授此一州有海可煮有穀可樹縱能爲
期月三年之計必難應風火雷電之符徒令郵客詬詈上
官誅責以致甫化之鳩再生驚眼方集之雁又作哀聲久
荒之地終荒已逃之人轉遠方城四境不依舊淪胥以亡

乎不如三年之外再定賦役初撫之眾不畏催科卽有索夫馬者湯火餘人不能爲牛爲馬荆棘磽地無可出廩出糧庶幾借此致辭矣且鰥寡孤獨之類旣可以優養天和而奸頑兇盜之人又得以淪浹王化此撫綏流離安定新附之急着非爲知州可閉關無事作一簞一瓢一琴一鶴雅調也

三年加增並徵議

郭允昌

民爲邦本賦從地出今日之地則奧草連邱今日之民則重輯靜海縣志

卷八

三年加增並徵議

五

鳩形特處本年正供尙苦未完而欲以三年加增之銀迫呼一旦原情度勢萬萬難之將告以急公之義則救死不贍之人何暇講禮欲治以逋欠之刑則饑寒迫切之眾走險何擇地旣荒矣人旣亡矣所催者何方而所比者誰氏乎合無徵六年以濟軍需緩四五以定民志庶殘黎不致全逃尙留來歲播種之望下吏借端撫綏可作目前勸諭之謀日夜兼思如是而已

禁治獄囚議

郭允昌

本州子遺四十八家僵屍方起野心久銷卽有小犯方泣
罪之不暇又何輕置囹圄作蠱鼠餌也第禁治之法當爲
素嚴如牆壘必高門牖必固棘荆必厚杻鎖必堅餽送牢
食之人不得長出入而又印封之官日用查點巡緝之役
晝夜關防此成例也上以是責之下以是應之如是如是
而已愚以爲獄囚百日嚴防不如獄案一日蚤結承訊之
官或利欲薰心權豪壓面左顧右卻權置獄中至於一案
不了動經年餘株連人眾因而生心此自然之勢也今當

重輯靜海縣志

卷八

李治獄囚議

六

嚴飭該管官司凡有大獄勒限速完應決者卽爲申決應
釋者卽爲申釋服罪之人無所覬望無辜之人不至蒙冤
又何得以狐疑自危之心生免脫傾人之事哉

擬用人理財強兵救荒疏

邑人

高爾儼

進士

臣竊惟今日有大可憂者三而寇之變水旱之災不與焉
一在朝廷一在疆場一在百姓方今朝廷之上宵旰獨憂
求賢如渴或取之科第或取之鄉貢或取之保舉內外黜
陟之法陛下所以鼓舞天下者甚切且至而卒未見有出

一奇畫一策爲陛下破敵掃寇建廓清之績用人之法日變而用人之效不彰文貌相沿警提無策因循推諉長此安窮此其可憂者一也疆場之上日日言練兵日日言加餉或分主客或分戰守名目徒多影射愈甚卽以餉數言之較往昔已增四五倍猶此動呼庚癸借鼓譟爲要挾之術卽曰清虛冒議裁節誰敢執其咎者竭天下之財以奉邊天下日窮邊事日弊竭澤漏卮安所底止此其可憂者二也百姓嗷嗷衣食不充兼之年年水旱相仍畿輔之地三經外患流寇出沒所在蹂躪百姓窮苦莫此爲甚而賦稅之加派日增貪殘之掊剋不悛流離轉徙人不樂生揭竿潢池漸以見告盜賊相煽大可寒心此其可憂者三也此三可憂者諸臣人人知之而或以爲非已之責所及或以爲非已之力所任徒爲奉行之法苟且旦夕之謀人人如此國事何賴也此賈生之所以痛哭流涕長太息者也臣於此効千慮之一得竊以爲朝廷之上當寬文法疆場之際當覈功實閭閻之下當亟撫恤夫用人不宜過紛法

不畫一奸弊滋生人人不盡力而致疑於用之之法日思變計恐亦未爲得也夫束縛太急文網太嚴人將畏法而不畏名憂身而不憂國奉行意旨苟免無過而不復計時政之得失國事之利害臣愚望陛下待之以誠凡政本之地寮署之間稍寬文法從其展布存以忠厚之心而待以君子之道賢者得以盡忠竭志而不肖者且將爲輿論所不齒使臣子敗類之羞深於犴網則國事理矣蓋人之賢否未能遽移任法未必防姦而或以束賢者之路恃誠卽

重輯靜海縣志

卷八

擬用人理財強兵救荒疏

八

有漏網而足以紓才智之資此臣之所願進者一也今日或言抽練或言裁練以名求之騰驥充伍矣而流寇之蕩平無期外敵之鴟張未已邊臣止有呼索而不復慮國計之所從出兵日加則餉日侈朝廷之上未嘗惜財而行伍之間兵與餉未能相當有增兵之實有加餉之益卽重煩物力猶將爲之庶乎冀一大剏獲有甯息而始議暫加後爲定例朝廷卽明知之而莫敢問恐一議清覈邊臣且藉爲口實萬一疎虞誰敢任之臣愚望陛下持之以斷凡邊

鎮兵數或嚴勅督撫加意釐覈使一兵有一兵之實一餉
有一餉之用千里饋給不以飽債帥而以實卒伍如此則
餉可得清兵可得強語云兵尙戚凡有剝削卒伍虛隱餉
數者立敕軍前正法若聽其鼓扇軍士挾制朝野餉何繇
得清財何繇得足兵何繇得強信賞必罰要貴御之得其
法而制之有其道此臣之願進者二也書曰民爲邦本方
今天下根本之計無過於民夫天下之患不在外懼而在
內憂臣竊見近來有司以催科爲奉公以完糧爲盡職卽
重輯靜海縣志

卷八

擬用人理財強兵救荒疏

九

如脩練儲備皇上立名之意原在保民恐有司奉行不善
徒爲赤子滋虐也臣愚望皇上撫之以仁州縣親民之官
當以民無流亡室家樂業者爲上考爲治之道在乎審本
末權輕重若拘牽功令急國課而忽民生民生日蹙爲憂
方大今日朝堂之上當以撫民爲第一義此臣之所願進
者三也臣芻蕘無識惟皇上裁擇

起社引言

邑令

胡啟睿

淮安人

靜邑蓋古瀛地大河環抱滄渤朝宗固靈秀之會而名勝

之區也人文鵲起科第蟬聯僕難更數卽今臺鼎首出名
賢踵接盱衡十五國之風執牛耳者非靜其誰與歸不肖
睿特奉

天子簡書來令是邑竊幸事賢友仁相助爲理利器其有資乎
顧入其邑草萊盈目雞犬空音蕭蕭里井鳩鵲堪憐邑人
士相見於庭雖甚彬彬雅然而落落矣靜之爲靜曾幾何時
而昔勝今衰若此耶會於諸子課藝名其社曰起社諸子
咸進曰昔昌黎公文起八代之衰唯父師是任余曰否非

重輯靜海縣志

卷八

起社引言

十

是之謂也靜之爲靜不衰於文而衰於運不衰於人靈之
不鍾而衰於天行之疊異近年以來一衰於金劫慘屠刈
矣一衰於水害汨懷襄矣一衰於蝗禍酷委填矣十年之
頃災異頻仍幾無子遺以故執經之子秉耒之氓罹是憂
者救死不贍安得不輕去其鄉此衰之所由來也而令於
茲者不思救弊維衰之術有以招來而生全之靜尙有起
色也哉第文章爲氣運之主而士子爲農民之倡使聰穎
秀蔚者得以聚業詩書晰義修文則夫轉徙流散之徒得

於觀感爰思故土得樂其有芻牧而牛羊濺濺濕濕行見其充茁也所以起其衰敝俾靜之流風遺俗再覩維新者是役實先之以故以名吾社也乃若昌黎以斯文爲已任竊有志焉而未逮也諸子言過矣作引言

高文端公文集序

邑人 杜依中 歲貢

夫大道默默烏取砰訇鑿破混沌磔裂元氣以彫太素而變希聲哉然道之菁華爲文文之聲韻爲詩至人往往不廢孔子聖智常欲無言曾手刪詩以傳後世龜山之操兕

重輯靜海縣志

卷八

高文端公文集序

七

虎之咏至今伊唔人口竺乾古先生修真去妄空諸一切而間留偈語格律宛然嘗讀黃庭真誥金簡玉書琅琅鏘鏘盡作韻語聖賢仙佛何嘗不以此道爲要趙簡子夢之帝所聽鈞天廣樂李長吉見緋衣人曰上帝召君爲白玉樓記黃伯思夢人告曰上帝有命典司文翰上帝又何嘗不以此道爲貴不但此也夫雲翬然而霞爛然而雷電霍然亦文也夫調調琴琴颼颼谿谿觸穴爲嘯遇松而簧亦詩也天地間無非菁華聲韻聽人領取故幽人文士天動

人來烏得禁諸然淺深工拙往往千里蓋緣質殊不可強也高文端公仁孝性成兼容汎愛相對如坐春風中且天才豪逸自少時以行文曲折如意爲樂事沉心博古無經史氣而談笑灑脫有晉人翛然物外之致嘗慕古豪傑經濟大業恥攻雕蟲徒空文自見所謂作秀才時便以天下爲已任也是以由冢宰而晉端揆宏獎人倫推轂名士調和元化霖雨蒼生世祖皇帝念其忠勤屢優褒許云公晚年究心性理栖志清虛凡風雲雷電之變幻皆有以觸

重輯靜海縣志

卷八

高文端公文集序

三

其性靈而深求聖賢仙佛上帝之道而得其源頭豈徒以菁華聲韻而已哉今讀其全集又何泔洋閎肆也余約畧言之註疏似程明道夫子奏議似范文正公文章之波瀾似蘇子瞻詩歌之冲淡似陶靖節庶乎其有當也公往矣垂三不朽以爲世則公之神明視履猶在人間也公之嗣君勵昌以余忝戚誼會同筆硯有年深知公之人與文故以序屬予予庸鈍自廢樸野無文何能測其高深而述其鴻麗然滄海之決必浸地軸日月之朗必晃六合神劍之

斷必截雲霓奇瑰之才必無恆響固不待余言而始傳也

靜海縣志序

邑人

高緝睿

兵馬司
指揮

邑之有志猶國之有史也自春秋而後歷代之爲史者其紀傳編年體或不同而於禮教之興廢政刑之明昧風俗之淳漓人才之盛衰莫不筆之於簡蓋將以昭法戒示來茲也志之於史殆具體而微焉亦豈徒摛詞揆藻之事哉吾邑志久矣自王公修之至今垂數十年其間兵燹頻仍滄桑已變非及時補緝而老成代謝必將有湮沒而弗傳者矣適閻公以三秦夙望來尹茲土軫恤荒殘恩勤顧復甫朞月河濱百里蒸蒸有起色乃奉檄修邑志緣造文學諸君之廬而請載筆以從事凡數閱月編成將授梓余時甫除服尙留里門閭公授簡屬爲弁言余低徊流覽竊不勝今昔之感焉邑固彈丸僻處海隅非名都會可比然聞諸父老數十年之前猶稱樂土也曾幾何時而煙火蕭條學宮茂草矣數稔以來生聚漸蕃絃歌亦漸洽矣夫由盛而之衰衰極而漸返雖曰天運豈非人事哉繼自今禮教

重輯靜海縣志

卷八

靜海縣志序

三

之必興政刑之必明仁明府賢師儒固將期觀厥成矣若
風俗之還淳人才之蔚起或以鄉人士之所得共勉者乎
余旦晚就征輅從此宦海浮游不識何日返鄉園倘賦歸
來得見吾邑復臻全盛將從諸君子續紀其事俾後之覽
者知起弊扶衰實惟賢者之責非聽諸氣運之遷流也則
幸甚矣

烟園稿序

邑人 高恆懋 進士

昔太史公遊行天下周覽海內名山大川其爲文也踈宕
重輯靜海縣志

卷八

烟園稿序

四

有奇氣遂爲千古文章之祖余生長北鄙足跡不出戶牖
讀古今名公大人詩文多得之登臨遊覽之間又未嘗不
三嘆焉及至上谷得交博陵廖君其人慷慨樂易晤談間
稱道古今詩文深得體要余心識其有淵源之學未幾出
其太翁澄之先生詩文若干卷示余余讀未竟喟然嘆曰
世常說古今人不相及今讀先生游賞台宕西湖牛首九
華洞庭諸作新奇雋逸其所以離合於太史公者余雖未
能深得其奧而卽此遊涉不倦一往情深之意夫豈異哉

嗟乎先生以龍螭風雨之才未獲得志於時而徒握寸管以與古人相上下良可悲矣然而天下後世讀其書者感嘆流連而不能已又未必非得志於時者之所不及也不然曩之鏘鏘奕奕擁騎鳴珂者不知銷沉何地而獨此幽人奇士窮愁孤憤之音與懷尚論之作得與名山大川同存天地亦獨何歟

邑侯左公勘水圖記

邑人 杜昌言 歲貢

邑宋之渦口寨也大觀中設靖海縣明洪武初肇易今名重輯靜海縣志

卷八 邑侯左公勘水圖記 五

隸河間府

國朝雍正三年改轄天津其地跨漕河之泔東臨渤海窪泊迴

環西界子牙河袤連淀港蓋王燕癸趙饒有瀦水之區而茲邑壤接津門父老傳述謂之九河下稍其形勢尤凹如釜底云按子牙河之尾間曰三角淀爲古之雍奴水而格淀堤一帶係其東南隅此淀滙西南大小七十餘河之水注津之丁字沽合潞以趨海一經秋汛加以淫雨連綿所有子牙并故道兩河剽湍弩疾爭流入淀而北運潞河迅

漲之水往往遏淀之下游而不使之漉淀飽則溢而南河怒則潰而東此邑之西偏所以頻有其魚之歎也至於邑之迤東邨屯南北碁置然大抵墾少而洿多其稼硃蟻蟻等一切泊窪卑濕如溢浦力穡之毗利其土沮而肥則歲歲佈種以覲有秋值雨淹之年日夜滂沱不止而泊之苗如江離窪之禾如沅芷矣其汜也則遠漲浮天而平壤之中且可以通舟楫矣此又瀝水之爲災而令人蒿目者也伏遇芷江左賢侯宰莅斯邦自下車以來種種惠政口碑重輯靜海縣志

卷八

邑侯左公勘水圖記

六

已不勝述去年己酉之秋邑之全境被水略如前件所云我侯戚之除侯不憚焦勞分路親詣查勘詳請停徵加賑一一循次施行外又爲之繪圖貼說有如下幅將以備

憲台之咨詢抑以誌民瘼也

言

披覽之餘而嘖嘖于侯之

之勤也嗟乎兩師河泊方且連鑣並轡以厄此一方民侯以愛民如子之心噢咻軫念可謂茂以加已昔人寫北風圖而座中皆有寒慄之狀則我賢侯觀畫手之濡毫渲紙其必愀然動色更當何如耶是爲記

逆河入海考

邑人 牛天垣 舉人

粵稽神禹治水敷土奠川隨山刊木九州四隩次第就理
念大河衍溢首禍中國於是導自積石至於龍門歷大邳
以下地平水急無以束其悍暴之性乃於貝邱醜爲二渠
以分河勢一自舞陽東入漯水流至千乘入海一則引傍
西山北過降水至於大陸分爲九道下至滄州之北同爲
逆河入於渤海此逆河所由來也或曰逆者一也所以合
九爲一也或曰逆者迎也謂與河水相承受也或曰逆者

重輯靜海縣志

卷八

逆河入海考

七

逆也隨潮呼吸與河進退不遽入於海也源流畢達條理
悉備歷及殷周無衝決之大害亦無隄防之役故逆河之
名不復見於紀載至齊桓塞九河爲一以自廣其疆圉河
間以東平原鬲津雖多遺蹟而入海之路廢而不用沿及
戰國決河灌都互相戕害古制愈湮讀宋開寶四年詔曰
自戰國專利小以妨大私以害公九河之制遂隳歷代之
患弗彌蓋深惜乎秦漢以還禹功漸遠故道難復也考漢
自武帝以及元成河屢冲決訪求九河入海故蹟其時逆

河久成廢渠荒煙蔓草人跡罕至故莫能深考王橫言徑者渤海水溢出西南數百里九河之地皆爲海所漸酈道元水經注亦同王橫之說彼去古未遠其言似非無據然漢都尉許商以爲徒駭胡蘇鬲津三河在成平東光鬲界中而王酈諸人遂以爲九河之地皆爲海所漸疑亦誤說矣總之九河之不可全考已非一日况隋民開會通河自衛輝以達直沽南北橫截千餘里其間堵塞廢壞者所在皆有九河之故道安能一一指數乎雖然九河不可考也

而入海之逆河則歷數千年而河岸河身跡宛在也稽諸北河續考明載逆河在靜海界中本朝陸稼書先生尹靈壽時訪求逆河遺跡其文集中亦確指在靜海之東蓋自碣石以南平原以北皆九河之所經其入海之徑必在眾流最下之處靜海之逆河爲眾水會歸之區昭然可指而宋儒蔡氏註禹貢第因王酈之舊說未能一一指實蓋以宋時之靜海淪於金元而古傳又鮮所憑據故不得不依附前人而爲或然之詞其實皆非也今瀕海居民舉知有

逆河彼非能爲附會者不過因數千年相沿之舊名而名之耳河形具在雖不能復九河會歸之舊而附近諸水相度浚導其入海猶甚便所謂存什一於千百者也謹考其梗概於右

刑部左侍郎光祿寺卿勵公暨配黃夫人合葬墓誌

銘

浙江
陳兆崙 進士

勵氏爲浙東名族其分支在北者靜海最著靜海至光祿凡三世通顯天下稱高門光祿顧能不失先人清素之業

重輯靜海縣志

卷八

勵公暨配黃夫人合葬墓誌銘

九

至於進退升沈處之若一垂老而適如其常朝士以此重之按狀公諱宗萬字滋大號衣園幼警敏觀書略無厭滯尤善作大小字自六七歲時卽嗜書嘗戲題其家塾門楹曰有敢持尺絹寸楮過此者必取書不貸父文恭公見而呵責心竊獨異之既長善屬文經史之外旁涉古今百家言一覽悉記性好客遇詞流韻士輒依依結文讌致慇懃不勸然爲人大致疎率不修邊幅以是與人多牴牾往往顛頓康熙庚子年十六舉順天鄉試辛丑成進士改庶吉

士雍正癸卯授職翰林院編修入直

南書房蓋自其王父文恪公以文字結

主知再傳而文恭濟美公承家學安其所習重以英姿深詣用
能仰荷

三朝優眷而受知於

今天子最深乙卯八月

上初踐阼公以內閣學士捧

冊寶贊大禮年裁三十世以爲榮其冬擢禮部右侍郎尋調

重輯靜海縣志

卷八

勵公暨配黃夫人合葬墓誌銘

三

刑部左侍郎兼領禮部明年二月充知貢舉十月爲保舉
河員註誤罷職仍留

內廷行走壬戌起爲翰林院侍講學士明年以通政使扈從

盛京又明年累遷工部右侍郎又明年轉左侍郎調刑部未

幾復以失察案罷去先是雍正五年公以編修視學山右

世宗憲皇帝特賜摺匣令言事時公甫踰弱冠驟膺

殊寵銜感激切又其明智銳氣足以副其惓忱以故知無不言
言無不盡任未滿再遷侍讀尋授本路巡察寢至大用及

今上造就拔濯存歷卿貳先後條具數十事多見採納向用方
隆而竟再起再躋若有數存乎其間議者惜焉公之以失
去官也自謂年過四十

恩不可屢倖杜門掃迹於老屋旁開別墅一區號曰蔬園越
二年坐族子與里人訟田事被劾

上特原公令修固安城自劾未竣事復起爲侍講學士因籲請
展限

命賞帑金四千俾訖工事在辛未八月後八年由太常少卿
重輯靜海縣志
卷八 勵公暨配黃夫人合葬墓誌銘
三
擢今官方文恭公時公爲貴公子得親懽心且以英年登
臚仕而公於文字外無他嗜好暨乎晚節身處儉約不事
家人生產而友朋詩酒之會又未嘗廢也豈非其生平有
不隨境轉者哉公書法力追晉人得其韻度每奉

敕寫古今書及所自進詩冊輒蒙

褒異賞賜無算公不自謂工詩世亦但以善書目公嗟乎其詩
具在當其得意雖蘇陸何以過焉乾隆二十有四年秋九
月得失音疾竟不起距生康熙乙酉凡五十有五歲公祖

父名氏官閣並在人口不具述元配黃爲北平公諱叔琳
女仁慈端淑有樛木之風少公二歲是年二月前卒公以
乾隆元年

尊恩 誥授光祿大夫黃一品夫人子四長守謙乙丑進士授翰

林院編修次守約次守訓次守澄女五孫一女孫三公卒
之明年三月長君編修卜兆於五里之原將奉公柩與黃
夫人合窆而徒跣款門屬兆崙爲志兆崙座主故司農鄂
公出文恭門淵源有自誼不得辭亦不敢泛爲諛詞重負
重輯靜海縣志

卷八

勵公暨配黃夫人合葬墓誌銘

三

知已地下銘曰嗟乎衣園而今已矣如鐘遠聞倏不受杵
如磬懸絕弗復可拊聞其將終朝服憑几索筆書空降階
而跽白云拜疏敢違尺咫非夫根性異人庸能不亂若此
古艾服官裁逾五年徒以早達莫之或先祔領新史說直
集賢迴翔臺閣歲月屢遷世疑古人而甫華顛緬流風於
前輩羌逝水其忽焉羅囊罔佩選業斯在自其少時氣志
慷慨櫪馬旣空座客霑醉借園看花顧曲得句卒能葆先
世之清芬實惟際太平之盛會嗟乎衣園吾重其人兼憫

其真自茲以往在其後人珍護手蹟奉揚吟塵脩短何常
惟斯永存

建修義學碑記

邑令 鄭士蕙 進士

凡事之有關風化者所費不必巨萬也卽數百金而其事
可蔽而此數百金出自寒畯之家則不啻巨萬焉如廩生
李壽桐之建設義學是已初壽桐兄壽昌正士也嘗慨靜
邑人情之媮皆自嬌慣幼孩始思欲設立義學聚貧窶子
訓迪之使之知道理戒游蕩正心術端品行而後風氣可

重輯靜海縣志

卷八 建修義學碑記

三

轉薄爲厚惜其志有餘力不逮也同治六年壽昌沒疏親
遠邇感生前可敬蒲伏往弔約計賙賻得三百六七十金
壽桐曰此足償吾兄未遂之願也爰買縣署西魯家胡同
口路東正房四間東西房各二間價京錢四百緡修理一
百緡爲童蒙誦讀之所而以八百緡按一分二釐發商生
息爲延師脩金之用懿哉此舉雖祇數百金而其所關於
風化者大矣哉古者家有塾黨有庠所以冀養正之聖功
今之靜邑何如哉男當十歲上下囚首喪面裸戲如猿因

戲而鬪傷其父母曲意祖護及長黠者匪愿者傭不知孝弟罔顧廉恥李壽昌謂嬌慣幼孩以致人情日媮非無見而云然也今者壽桐繼兄之志俾粉榆之社成人而在始而髫齡日侍於嚴師之前則獷野之性漸化忌憚之心漸生卽不必遽要科名而心中旣以聖言爲主自不致舛倫常而踰閑檢况人人務正戶戶必豐推而擴之設義學者曰眾矣壽桐特其權輿耳靜邑不且如鄒魯也哉予聞壽桐得此三百餘金時有勸以謀恆產爲日用計者壽桐感然重輯靜海縣志

卷八

建修義學碑記

一

曰是欺吾兄也吾不敢夫兄旣歿而不敢欺者眞讀書之弟也則知兄尙存而敢於欺者必其不讀書之弟也觀是則義學之建修所關於風化者大矣

紀同治七年四月事

湖北

郭光庭

舉人

林培豐字薇垣浙江平湖縣人靜海縣典史性高淡大節尤不苟學問通達詩不甚工亦不常作室中圖書滿架筆硯精良草本花大盆小窠羅列階除令人忘其爲俗吏嘗以孤山處士自况雖未必誠然亦可想其志趣矣同治七

年四月賊匪竄邑境城中人無不逃舟者車者挈眷者孑身者白晝偕行者昏夜潛遁者戎裝托公事者微服雜齊民者紛紛如鳥獸散市衢中偶三五成羣則皆貧不聊生冀乘間竊發者也培豐志在矢死闔家安堵如常僕隸見主人如此亦不敢他適至夜慘悽益甚培豐巡視各署間其無人攜捕快數名查街道防姦細忽數人奔告曰賊已至某所同城皆往西鄉公何獨在此卽不自愛若家口何培豐叱之遁去蓋卽貧民圖竊發者礙培豐巡視欲驚之

重輯靜海縣志

卷八

紀同治七年四月事

三

使走也正查問間城外火光燭天喊聲四起培豐慮獄囚內應懼力不能支回署更公服坐獄門飭禁卒諭諸囚手自擊柝命捕快各持柝巡擊滿城皆柝聲賊疑有備遂不攻城至天曉賊已遠去官民始陸續還是夜非培豐之力禁卒必逃遁囚犯必出獄奸民必肆掠城門一開賊匪長驅直入欲不失守得乎事後敘功是非頗謬目覩其事者皆爲不平公上培豐匾額曰斯爲有守嗚呼其旨隱其辭微矣

瀛海書院勸學說

郭光庭

嗚呼聖學之不明未有甚於今日者也士自束髮受書以
來服儒服冠儒冠鮮不自命爲學者人亦靡不共推爲學
者雖然其果足以爲學者乎哉志功名不志道德務詞藻
不務躬行求便安不求刻苦氣以不養而暴心以多蔽而
昏銷歲月於時藝之中馳神魂於富貴之境孔孟之教有
如是之學乎哉或曰士多寒賤各有身家資衣食以仰事
俯畜不能煮字爲餐是不得不紛心外務也三年大比排

重輯靜海縣志

卷八

瀛海書院勸學說

三

闖闖步玉岑只須制藝數首小楷數行便可紆青拖紫雖
有顏曾閔冉之德無所用之是不得不著意詞章也夫子
之云隱居放言則可耳誠欲爲經世之學有用之才其又
堪以是語垂世立教乎予曰嘻悖哉子之言與膠於一滯
於形何其闇於道也道無所不在隨物而具遇事而存處
人倫日用之間果悉準乎仁敬孝慈之則卽外務何莫非
道乎習時文帖括之事必沈浸於經史子集之中卽詞章
何莫非道乎薄倫常而惟務自私爲制藝而專求捷獲道

之所以遠人也克念聖罔念狂一轉移間而功名無非道
德詞藻無非躬行便安無非刻苦卽庸眾無非聖賢矣個
個人心有仲尼又豈待他求與朱子答陳膚仲書云承以
家事叢委妨於學問爲憂固無可奈何然只此便是用功
實地但每事看得到理不令容易放過更於其間見得平
日病痛痛加翦除則爲學之道何以加此若起一脫去之
心生一排遣之念則理事却成兩截讀書都無用處矣李
二曲先生反身錄曰讀聖賢書而不能以之自律徒藉以
重輯靜海縣志

卷八

瀛海書院勸學說

三

市名罔利與登壘斷何異陷其身爲賤丈夫而不知悲夫
方今學者之病只是謀利計功知有迹象不知有神化求
爲庸人不求爲聖人日積月累相與沈溺於慾海迷津又
安得有誕登道岸者哉謹持此以爲諸生勸

崇儉說

邑人

鄭懷珍 舉人

玉杯象箸陳諫牘於王廷今則奇技淫巧溺志蕩心轉相
誇耀矣甘酒嗜音垂訓言於皇祖今則檀板金樽淺斟低
唱視爲固然矣習俗之奢華至今日不已極哉賈子曰百

人作之不能衣一人欲天下無寒不可得也一人耕之十人聚而食之欲天下無饑不可得也饑寒切於民之肌膚欲其無爲姦邪不可得也故挽澆風莫如崇儉儉則心清儉則欲寡儉則所需無幾可留所贏以備凶荒儉則所積必饒可分所有以廣施濟且也無匱乏之患儉可以養廉無暴殄之愆儉可以惜福嗜欲寡於要人無所求品由儉立俯仰寬於外物無所動德以儉修擴而充之希賢希聖希天孰非自儉階之者雖然儉者節省之謂而非鄙嗇之謂亦簡朴之謂而非封殖之謂故損費儉也有時糜費亦未嘗非儉輕財非儉也有時重財反不得爲儉何也儉者德之共非吝貲非惜財也如以吝惜爲儉則守財虜之慳貪能聚而不能散田舍翁之齷齪見已而不見人殊鄙瑣不足道汾有蕢山有樞風人所爲刺也又烏可以不辨哉

過靜海

元瞿祐

古縣臨河口遺民住岸傍荒田多廢棄破室半逃亡
薄薄沽來酒低低坐處牀舟人知往事相對話偏長

直沽口

元袁桷

二水赴滄海客行殊未休長堤連古戍歸棹起輕鷗
雨重雲光溼天低樹色浮京塵今已洗從此問菟裘

代祀天妃廟次直沽作

元張翥

曉日三叉口連檣集萬艘普天均雨露大海靜波濤

重輯靜海縣志

卷八詩

三

入廟靈風肅焚香瑞氣高使臣三奠畢喜氣滿宮袍

直沽客行

元黃鎮成

直沽客作客江南又江北自從兵甲滿中原道路艱
難來不得今年卻趁直沽船黑洋大海波連天順風
半月到閩海只與七州通賣買嗚呼江南江北不可
通只有海船來海中多風少賊徒未知明年來
得無

直沽謠

元臧夢麟

雜遝東入海歸來幾人哉紛紛道路覓亭衢笑我蓬
門絕冠蓋虎不食堂上肉狼不驚里中婦風塵出門
不險阻何況茫茫海如許去年吳人赴燕冀北風吹
人浪如砥一時輸粟得官歸殺馬椎牛宴閭里今年
吳兒求高遷復禱天如上海船北風吹兒墮黑水始
知溟渤皆墓田勸君陸行莫忘萊州道水行莫忘沙
門島豺狼當路蛟龍爭霄論他人致身早君不見賈
胡剖腹藏明珠後來無人鑒覆車明年五月南風起

重輯靜海縣志

卷八詩

三

猶有行人問直沽

直沽

元王懋德

極目滄溟浸碧天蓬萊樓閣遠相連東吳轉海輪梗
稻一夕潮來集萬船

直沽舟中

明薛 暄文清

潮來兩岸平風順一帆輕海濶浮雲白天低野樹青
久叨持斧客非是棄繻生岱嶽行看近秋高試一登
舟次直沽簡彭彥實

明邱 濬文莊

潞河澄澈衛河渾二水交流下海門直北迴看龍闕
迴極東遙望蜃樓昏孤城近水舟多泊列戍分耕野
盡屯我有好懷無處寫欲沽樽酒對君論

舟次直沽與寶慶謝太守

明李東陽

二水斜通海孤邨合抱城夜窗明月過春浦暗潮生
憂國身將遠還家夢不驚留觀有親舊羈旅見真情
窮民嘆

陳燿

破屋葺蓬茅麻衫髮鬢焦到門惟有水顧地絕無苗

重輯靜海縣志

卷八詩

三

野菜和根食生柴帶葉燒已看貧到骨何計避征徭
過獨流

明倪敬

獨流清曉發高下亂帆檣潮入雙塘淺風高孤樹忙
荒祠煙火斷遠戍角聲長男女勤生計蘆簾緝野涼
登靜海城樓

明張維新

飛樓一縱目海國氣雄哉日上三山出天空五壘開
樹平隨野濶帆正入窗來咫尺津門近登臨第幾回
過靜海

明曾棨

朝來過靜海歸路有三千吟几添新句行囊只舊氈
水禽飛傍客河柳遠迎船注目淮南道龍峯隔楚烟
宿靜海僧寺同侯主事
曾 棨

皇華千里客何意此相逢水郭春光早郵亭柳色濃
偶因牛渚棹來聽虎溪鐘明發孤舟別相思隔幾重
過直沽
曾 棨

近海巖烽戍孤城雉堞雄海流千派合舟楫萬方通
島嶼鯨波外樓臺蜃氣中春來疑是錦烟綠曉霞紅

重輯靜海縣志

卷八詩

三

直沽舟中

明宋 納

旅思搖搖嗜晝眠舟人報是直沽前夕陽野飯烹魚
釜秋水蒲帆賣鱉船詩有白鷗沙上興書無青鳥海
東傳老爲聲利閑驅遣少讀南華四五篇

夜宿獨流

明張 甯

霽月中天見絳河黃流滿地漾金波荒坡野火兼漁
火短棹吳歌雜楚歌去雁已連家信遠閑鷗豈識客
愁多江南二月花如錦枉負歸期奈爾何

直沽城

明王洪

水出漁陽地山橫劍北天高樓瞰海日遠嶼入江煙
市集諸番舶軍屯列陣田風高悲鼓角霧重失旌旄
匪獨關河壯由來節槩全精兵及雲朔勁氣出幽燕
大漠黃塵外三韓落照前將持定遠策不用繞朝鞭
直沽權歌三首
明無名氏

天妃廟對直沽開津鼓連船柳下催醺酒未終舟子
報柁樓黃蝶早飛來

重輯靜海縣志

卷八詩

三

雲帆十里下津門日落潮平不見痕葦甸茫茫何處
泊一燈明處有漁邨

蘼蕪楊柳綠依依檣燕檣鳥立又飛賺得南人鄉思
緩白魚紫鱉四時肥

舟行丁沽

釋成衡

放溜下丁沽人家半水居淺沙分井甃小市集樵漁
榆柳栽成巷茄瓜載滿輿波光浮岸潤星影入林疎
土釜炊紅鱉青絲釣白魚帆收晴過牖燈上夜翻書

雲卧人爭得鷗閒我不如輕烟遙拂岸細雨不沾裾
湧沫飄行旆狂波撼太虛荒荒千里外只此亦吾廬
宦貧
李枝長

本是宦情拙敢因苜蓿嫌家貧羞放利官冷豈爲廉
佐食無魚設烹茶有雪添曾聞尼父語疏水亦安恬
寄舍弟
李枝長

我宦貧如此家貧益可知當茲賦急日正是歲荒時
叔嬭事當敬弟兒教莫遲言旋在何日兄弟樂怡怡

重輯靜海縣志

卷八 詩

三

靜海道中

查學禮

策蹇平沙道春風共往還一叢花似錦數曲柳如環
邨酒家家熟柴扉日日閒笑余行役者何事負溪山
唐屯舟夜
查學禮

路入唐屯趁夜行船頭吹笛月三更依稀記得年來
事燈火樓臺笑語聲

直沽舩師歌

金大中

丁字沽邊春水生桃花岸上暮烟平年年嫁娶漁船

裏不用前溪打槩迎

泊子牙河登太公釣臺作

魯之裕

把釣成功老亦甘
白頭淪落自難堪
絲綸徒向漁竿引
風雨龍影夢未酣

靜海官齋與姪浩基話舊

劉文煊

斑馬聲何數飛龍翼
竟乖五年違小阮
一夕卧高齋庭接雙槐影
城荒十字街清風鳴野鶴
涼月沸官蛙蕭索仙郎署
淒其過客懷無家勞轉徙
漸老惜筋骸

重輯靜海縣志

卷八詩

三五

白日誰能繫浮雲
不可排憂來難遽遣
空道酒如淮

燕山詠

王正志

病起愁容減長貧不問錢
看花紅滿袖削草綠生煙
懷劍杯前壯翻書倦後眠
自慚成懶癖未肯受人憐

登靜海城樓

王鼎

縹緲飛樓壯登臨
放眼賒浪搖滄海日晴抹碧天
霞九派河流遠諸邨
樹影斜白雲遙望合迢遞
憶吾家

任氏四節詩

王典妻李氏子竟妻袁氏子懿妻杜氏

王鼎

雙燕差池喪其匹空巢各哺遺雛一寒月荒荒哀且
鳴西風吹冷螢如漆一朝遺雛接翅飛雌雄覓隊入
烏衣歸來竝傍空巢宿從此啣泥補舊扉何意雙雛
掠高樹紅襟又墮堦前羽舊燕單棲新燕孤啾啾作
對啼成雨嗚呼燕兮爾莫悲翼摧翅蹋非人爲君不
見韓陵臺畔歌黃鵠至今千秋萬世欽高躅

紀事詩

邑人高肇培舉人

九月西風波浪惡有客北來言鑿鑿獨流市上弄潮

重輯靜海縣志

卷八詩

三

兒倏忽隕淵風掃籜吾鄉河之湄有女方及笄夜半
甕中死視死甘如飴前死者夫後死者婦是耶非耶
爲怨耦夫以不戒隕厥身妻以靡他貞厥守憶昔此
女十齡餘就食翁家迫阿母俯首拜姑嫜顛面奉箕
帚兩髦已墮碧波潄化石山頭非我心年來久矣其
牢食同穴何必生同衾獨憐牽挽來鄉里未得相逢
一處死爲渠三復柏舟詩天只胡不諒人只朔風漸
灑冰膠舟甕底餘波聲啾啾請將甕水傾河渚因風

直向東北流流到良人舊死處新鬼故鬼同抱憂不
願爲韓氏墳邊連理樹不願爲徐州城外燕子樓願
待明年二月桃花發化爲比日春水游書生那得如
椽方邑史搜罷聊載筆欲知赴節在何時乾隆戊戌
冬仲初二日

深院

邑人高爾儼進士

深院寂無人繁花开自落衆鳥不啼花驚飛響寥廓

吕公歌行

高爾儼

重輯靜海縣志

卷八詩

三七

東瀛之水何蒼蒼雲烟葱鬱淡微茫凜然皎月寒秋
霜中有司李才具長玉皇香案謫仙郎初來佐職帝
南鄉手懸明鏡夜有光妖魅潛形狐兔藏老猾對之
如負芒水晶宮裡澤且長春秋雨露湛汪洋田間老
叟康且强捧腹植杖遙相將歡然對語田疇旁賢哉
我公不可忘

贈元大中丞撫河南

高爾儼

旺氣滿中州全形踞上游地連龍虎窟山接帝王邱

巨鎮推堂奧雄簷帶遠洲一方需帝賚萬姓仰神謀
召虎威名夙汾陽智勇周漢廷無與匹俗吏豈能儔
鴛鷺斑曾預鷹鷂逐未休精忠堪浴日勁節欲凌秋
五夜黃麻出三軍紫氣浮帝心勤錫命臣職在分憂
秉鉞承君寵揮戈裕壯猷寒霜凝旆燾夜月照貔貅
簡命從天下王言不宿留征塵隨後騎飛鳥逐前騶
駿業今方著鴻功日可收吾鄉有盛事石勒岳山頭
雨後游浣園觀奕晚棹而歸

高爾儼

重輯靜海縣志

卷八詩

三

驟雨過秋林河漢爲傾倒雨歇碧天空微雲澹縹緲
興高不畏溼緩步沙洲道遙望綠叢陰物象皆可了
深林一徑微輕風亂啼鳥轉曲不見人但聞新蟬繞
稍前樹作屏堂上二三老棋聲落清寂蕭散人語杳
開樽後院宜薄潤晴偏好鬱葱帶雨痕殘陽明樹杪
交枝覆堂陰暑氣靜如掃攜酒上琴臺脫幘觀林表
俯眺碧流暗孤帆宿歸早酒酣出林間樵歌來幽窈
晚煙歸棹急明月落川皎

同友過華藏菴

邑人高恒懋進士

長夏蕭疎倦倚樓相將蘭若慰沉浮午鐘敲醒十年
夢溪水流殘半世愁塔影斜侵竹院冷茶烟不斷白
雲流徘徊竟日風塵外話到無生意欲休

自三韓歸靜海山行有感

邑人高緝睿兵馬司
指揮

芙蓉千疊勢逶迤行逐春光去欲遲水落雲根風送
響烟浮柳岸綠垂絲人家半在晴巒外芳草平臨夕
照時路入鄉園聊計日到來客思轉迷離

重輯靜海縣志

卷八詩

三

擬古絕句二首

高緝睿

流水遶柴門經年不出邨稻梁冬月足晴雨課兒孫
臨水繞山之地竹籬茅舍之家名利不聞稻梁常
足夫妻團聚兒女溫存不必高話羲皇已非人世
矣我輩勞勞塵夢羈旅半生因負才華反爲物累
愧不如也

其二

山家老夫婦一子自相依五里採薪去尙言兒早歸

其地清且閒其人樸而野不知名宦之貴不識別
離之愁熙熙皞皞狃狃獠獠無懷葛天何多讓焉
羨他邨落無鹽女無寵無憂過一生竟爲之懽
然

熱河紀事十首選五

邑人勵廷儀進士

蜿蜒環翠嶺高下建 宮垣拱極千山伏朝宗萬壑

尊邊陲天遠互民物日孳蕃總被陽和澤冬泉水自

溫地占佳山水 離宮闕一隅花繁憐溜暖穀稔喜

重輯靜海縣志

卷八詩

四

田腴宵旰只民事官曹必汝俞孰云萬方遠呼吸念
肥癯

屋斜無定向隨意築林邱城市千峯逼山邨萬井稠
有居仍逆旅無客是閒遊伏暑崇朝雨淒然敵九秋
數來山厭熟屢儻愛居新 行闕羅羣彥晨星數舊

臣合圍規樹影刺眼嘆花身珥筆人垂老重番扈北

巡

雲歸山雨足風泛藥苗香退食從容候時鮮次第嘗

南榮施翠箔北戶展書牀一卷真消受翛然六月涼

清河迎駕

邑人牛思任進士

陽春初應律 聖主豫遊回日暖沙隄淨風微綵仗

開鸞旗翻樹影豹尾映河隈東顧瑤臺近西瞻碧岫

來卿雲叶鳳管紫陌馴龍媒大化徵民俗訏謨重

睿裁八方歌樂只多士慶康哉虎拜干官肅南山獻

壽杯

刻石經於辟雍頌

邑人牛思疑進士

重輯靜海縣志

卷八詩

望

聖人御寓壽考作人昭回垂象惇叙明倫導以學海

汲綆文津丞我髦士觀光用賓

辟雍 講學泮壁垂型既崇石鼓爰刻石經箋宗古

策鋒發新劬魯魚正謬科斗傳形

粵稽在昔漢京有聞熹平創績鴻都垂勳一字二字

今文古文議郎書丹羣儒贊勤

亦越有唐詔徙洛陽經文刊定字樣審詳邯鄲舊蹟

辨異補亡九經斯定學校重光

緝熙 聖學嘉惠儒林經藏四庫石立千尋日星並
燦淵嶽同欽多支爲富昭示來今

釣臺懷古

邑人牛元靖舉人

商周大老一漁臺震世經綸此地開東海煙霞聊借
隱西歧風雨暗相催潮生斷碣侵丹宇雲度荒祠蔭
綠苔景物已隨人事改磯前惟有月明來

置館教習新進紀 恩

邑人高澤泓進士

曉望龍城秋氣清新開詞館儼蓬瀛共知 聖主培

重輯靜海縣志

卷八 詩

聖

多士特簡文臣式後生濟濟衣冠嚴進退煌煌典籍
定章程微才亦忝承 恩澤願竭終身向日誠

劉孝子廬墓詩

邑人袁 佃貢生

今人讀書爲科第忠孝廉節或不計今人處世競紛
華忠孝廉節鮮不差豈知孝爲百行首天經地義人
人有惟人人有人人無無中僅有有乃殊我聞劉公
字謹度禩業清芬守儒素鄴架橫堆萬卷書德門夙
種百年樹方欣玉樹好栽培不幸靈椿隕霜露髫年

自痛此身孤苦學鬻官誇獨步學成名立非干時生
恐不學觸母怒况蒙熊丸晝荻勞心神機聲夜與書
聲鄰萊衣舞綵萱堂喜荆樹聯吟雁序親但祝天荒
地老長如此色笑親承無終止此心此願皇天上帝
豈不聞無那人生自古皆有死人子力不能回天人
子心却得自專躬親負土營宅兆手自栽松表墓田
三年廬墓忘寒暑寸草傷心泣風雨已看雛鳳籟青
雲笑騎箕尾歸紫府君不見孔門高賢有季路百里

重輯靜海縣志

卷八 詩

望

負米親歡聚厥後南游荆楚粟雲屯累茵列鼎親無
存乃嘆富貴不如貧時好貧時猶得老吾老吁嗟乎
此恨茫茫照千古生不能養沒何補劉叟劉叟得所
處我誅劉叟歌此詩此詩歌成淚盈紙好待他年付
青史愧我不能抽秘騁妍辭願共大書特書教人知
有劉孝子

邊貞女

邑令 彭崇泰

余任靜海時貞女未嫁夫亡矢志守節奉事孀姑
父母欲奪其志女刎劉自明卒遂其志以詩誌其

苦節

孤松挺高巖不與凡卉列哀鴻號寒雲飛飛影迥別
堅鋼猶繞指素絲豈染涅卓哉邊貞女慄慄光彌烈
彼其幼字人未笄忽中折女聞心實悲抽刀竟自決
念茲孀姑痛喘息寧忍滅潔身守空幃三載同飲血
畸行良獨難苦詣亦稱絕浮華委朝露芳名表霜雪
甯惟巾幘操還勵裾簪節

擬杜少陵打魚歌

杜麟孫

重輯靜海縣志

卷八詩

四

七十二沽之水清且深老魚生長沽之溥共言三津
之地是魚藪推蓬移棹相追尋環邨日聽鳴榔響泛
宅家家托畫舫女兒十五兒十三不學織耕學撒網
一網未落一網開提網忽見跳波來纖鱗二寸鯉尺
半攜竿罷釣人初回歸來曬網垂楊樹鼓楫長歌下
前渡欸乃一聲烟雨中微茫不辨三义路

遊華藏菴

邑人杜依中歲貢

百年塵劫裏過眼一風燈解脫人皆佛清閒我亦僧

升沈原有故夢覺果何憑借得蒲團力消磨障幾層

表邊貞女

邑人施德凝

九河岐出波汪汪濺清州自古當厥會淑氣氤氳鍾異
人閨中奇節稱爲最邊家少女正及笄千古綱常素
所不知道紅顏偏命薄惡風吹折並頭枝未亡人誓
與偕亡恩義拚將一劍償血染鮫綃命懸手諒人從
此格穹蒼精誠懍懍行貞烈操比冰霜心比鐵正氣
昭彰泣鬼神一輪皎潔清秋月君不見望夫一片石

重輯靜海縣志

卷八 詩

五

崢嶸江岸萋萋芳草生又不見陶嬰守志矢靡他舉
世競傳黃鵠歌古之節義今往矣維持風化獨推此
採風應得備輶軒松筠勁節留青史

散賑行

邑人毛直

衛流渾渾不可當雲鬪蛟龍上下狂倒瀉天瓢翻絕
頂河伯一怒能爲殃哀鴻遍野苦飢溺饋貧賴有官
家糧神倉特發蘇民困奇寒頓令熙春陽喧傳競頌
宰官德紛紛相率躋公堂大者狡兔奔且疾小者飢

犬走欲僵目昏頭眩腰脚軟雷鳴楊腹迴枯腸襁女
裸男復扶叟手持升斗肩負囊黃鬚小吏招左右深
泥沒髀翹首望執簿呼名按序給同仁一視均弱強
散罷行籌日已暮不教豪胥豢豺狼噫吁嘻歲無恙
民無恙安得保赤誠求盡如宰官良湛恩四海常汪
洋

入秋雜感四首

選二

邑人

蕭

重

廩生

已往不可憶倏然秋氣來庭前有高樹蟬聲一何哀

重輯靜海縣志

卷八詩

四

靜坐百感集負手起悲哀人生駒過隙歲月忽已催
願隨稻梁雁高舉白雲隈

寒暑有遞更榮枯如轉轂毛遂處囊中脫穎驚世俗
風雪臥袁安輝光生茅屋乃知學未優伏處終碌碌
窮巷無車聲慨然念空谷

中秋微恙口占

蕭重

客裏何堪病又侵空齋闌寂漏聲沈債多好友無溫
語囊罄僕奴有冷心古壁半欹新月上疏簾不捲候

蟲吟匡牀怕作還家夢獨對寒檠坐夜深

新柳和韻四首

選一

蕭重

張緒風流憶昔年絲絲軟舞日暄妍春回罨畫溪頭
路夢斷清明節後天社燕一雙花徑外胡姬十五酒
爐邊蛾眉相對勻新黛短髮垂垂半覆肩

春燕四首

選一

蕭重

纔過上巳又清明顛雨斜風與送迎深院穿花春有
伴空梁照壘月多情芹泥舊徑尋來熟柳岸新煙掠

重輯靜海縣志

卷八詩

七

欲平合德椒房應見妬莫教容易掌中擎

梅花四首

選一

蕭重

艾納濃薰第一花繞籬倚石任橫斜鏡中妝靚佳人
面竹外枝橫處土家蠟屐尋來春有迹銀雲碾出玉
無瑕青山睡醒勻螺黛朝夕催人兩鬢華

聚奎巖

蕭重

小住僧寮悟佛緣海濱寄跡此經年蒼茫遠水疑無
地浩杳孤帆直接天石壁斑斕蒸蜚雨腥風霉溼釀

蠻煙鰕魚肥美邨膠熟鄉夢無端到枕邊

龍華寺題壁

蕭重

燒葉煮新茗蕭閑愧此僧稼收平野白門擁亂峯青
梵唱前邨靜鐘聲下界聽到來空萬慮俛首問山靈
終古少人到溪山帶笑迎邨僧無俗骨斷澗咽寒聲
野鳥若相識巖花不記名嶺頭夾漈墓再拜祝先生
寄懷牛荻垞徵君四首

選一

蕭重

海枯石爛憶前盟覆雨翻雲任變更舊事驚心惟避

重輯靜海縣志

卷八詩

哭

債前塵誤我是多情夢回清夜鄉關遠酒入空腸芒
角生細雨灑窗人獨臥一聲旅雁過高城

山行卽事五首

選二

蕭重

小溪流水抱山腰密箐叢篁隱石橋路入羊腸人不
見夕陽紅處認歸樵

峯回路轉見山村紅葉經霜凍有痕驅犢牧兒歸去
晚梅花無數繞柴門

排悶雜詩三十首

選五

蕭重

善棚椽薦綠蘿窗庭樹陰森覆碧幢筆不工書偏有
債心緣得酒最難降尙遲霜信來宵夢怕聽蠻歌異
域腔栩栩莊生身外蝶疏花小竹影成雙

杜陵衣鉢授庭闈半世飢寒壯志違無貌誰憐羅隱
惡食言那得庾公肥燕臺卅載風吹帽嶽麓三年雪
染衣黽兔循陔潔滌滄鄉關回首白雲飛

憶弟看雲獨倚欄鴛鴦東去雁聲酸半生將過渾如
夢九品之餘愧說官爲寄三歌收骨肉好留千木詠

重輯靜海縣志

卷八詩

吳

團欒家風我亦揚延慶待覓珍穀結古歡

曾拈斑管傳何戡紫韻紅腔夢亦酣蜨拍新翻花十
八蛾眉淺畫月初三燕臺細雨迷蒼翠閩嶠閒雲阻
蔚藍何日雞林來大賈爲傳此冊到江南

多少塵緣未盡芟菜羹滋味別酸鹹黃泥白墮從人
餽紫筍花豬慰我饑謁座漸忘持手版吟詩敢自署
頭銜何時得遂歸田願碧水如煙擁片帆

學殖荒落拈管茫然書以誌嘆

蕭重

飢人偶得千鍾粟早苗著雨鷹獲肉枯腸偶得五車
書渴驥奔泉羊蹴蔬文人每以嗜古傳曹倉鄴架各
垂涎夢吞篆籀韓吏部身到娜嬛張茂先讀書萬卷
光萬丈浣花詩聖青蓮仙我從束髮受書籍菖蒲嗜
好性所偏六朝五代唐宋格啜其甘旨却腥羶麥飯
藜羹腸胃薄齧金嚼鐵齒牙堅曾翻陌上黃鶯曲戲
擬長安白馬篇何當淪落天涯久腹笥便便剩空甌
偶然覓句費苦思狂搜大索終烏有軍無糧餉虎難

重輯靜海縣志

卷八詩

五

擒字有神仙蠹已朽似曾相識亡是公依稀憶得支
離叟漫將捨命嗤方干敢以讀書傲歐九欲恢舊業
手頻叉海濱絕少藏書家斷碧零金喜創獲烏焉亥
豕相紛拏直視論衡爲祕牘令人笑未讀南華書生
不改寒乞相貪食蝻蟀拚腹脹驢脚瘦硬胡可鞭抵
死精神寄三上蓼蟲食蓼鼠搬薑平生結習苦難忘
書神醪汝一杯酒魂兮歸來認故鄉

負薪女

蕭重

溪女負薪來濕茅雨中束顏色何淒涼欲語聲難續
兒本採薪人終歲山之麓久雨斷樵踪十日絕餽粥
無計覓晨炊自撤巖邊屋豈不畏露處飢腸如轉轂
遑敢望三餐一飽良已足此語不可聞聞之淚盈掬
搔首問青天胡不哀糝獨轉自愧何人飲醕而食肉
畫瘦豹自題

邑人邊國幹武生

隱霧澤文章七日深山裏儻有害物心焉能瘦至此
題畫竹石贈友

邊國幹

重輯靜海縣志

卷八 詩

至

瀟湘綠玉崑崙石寫向高堂之素壁四座涼風帶雪
吹半窗疏雨和煙滴九嶷夢斷瑤瑟寒貼雲影落雙
青鸞也曾拂拭蒼苔色坐弄參差楚天碧曲終日暮
山鳥啼自寫幽情寄想憶

院中栽柳而枯

邊雨蘭

挺然孤幹自撐持羣卉爭妍未挂絲雖異淵明門外
樹風來却不折腰肢

題畫嚴子陵釣圖

邊雨蘭

寄跡江湖知者希羊裘著去當蓑衣漢廷疆土今何在
千古先生有釣磯

子牙釣臺懷古

邑人毛家彥庠生

避世乘時寄一身蒼蒼鬢髮謝風塵子陵到底無經
濟着破羊裘尙效顰

靜海八景

毛家彥

平野漫漫雪欲迷雪漫平野東連海曙徧郊畦東郊海曙潮聲
日暮聽津北北津花氣波搖滿淀西西淀三徑雲陰

重輯靜海縣志

卷八詩

五

遮遠樹遠樹穿雲半河柳色隱長堤長堤閣南更向風前

望南閣帆影斜排運船齊風帆

王貞女詩

毛家彥

賢哉有女在河之湄親無兄弟幼失嚴慈解長而及
字恥言結繭姊妹俱嫁獨矢操持解賢哉斯女貧不
能炊爨有里黨鳴厥職司解洵美鄧侯樂此不疲解
斯粥斯免其啼飢解瞻彼日月悠悠我思歲云暮矣
坊表為誰解言念學校義矩禮規旌別淑慝責在宗

師解載馳載驅匍匐就之爾公爾侯黽勉求之解原
有賢宰后山之支册貢 天府褒語無差觚煌煌懿
範煥靜之祠嶙嶙苦節播海之涯觚磨而不磷涅而
不緇賢哉貞女念念在茲解

馬烈婦歌

毛家彥

世間萬事無不朽惟獨貞烈能傳久吾鄉馬氏有奇
婦操勵冰霜直無偶憶昔垂髫處深閨青粉牆高接
翠柳紅顏嬾窺粧鏡開願聞訓戒依阿母衷懷耿耿

重輯靜海縣志

卷八詩

五

盟幽獨知以貞潔禮自守標梅頃筐迨其吉恒懼相
從非匹耦待受玉杵了前因歛錢何嫌阮修貧組織
躬親安淡泊釵荆裾布度芳春只說陽臺終雲雨誰
知冀野起風塵聲驚鞀鼓動地喧狼烽夜燭徧無垠
肆掠縱剽狡兔衆萬室胥罄寒煙送旁顧鄰里盡徙
遷欲暫偕行奈屢空無何寇至馬嘶驕見得嬋娟眼
欲燒初將彤管投梭誘繼擲黃金作餌挑彼美自是
玉抱璞皎潔豈許蠅黠濁旣歌墓棘刺陳佗復向輜

車罵董卓鸚鵡攪翻花滿叢
狸奴搔亂鬢飛蓬急出
荆扉覓絕域雄狐相逼勢何亟
詩賦柏舟溯共姜之
死終須矢靡慝蛾眉雙鎖散烏雲
襁褓阿嬰詈無息
比匪因怒轉成羞道不女從誓不休
佩脫紅蓮及鋒
試英魂弗屈自凝眸破腹無言空飲泣
衣痕悉被血
痕濕繞膝置巷哭且啼匍匐就乳若鯨吸
鴈壻儻聞
應斷腸蟲飛夢醒總難忘一朝伯姬雖命絕十句劉
表尚屍香倏看妖氛消轉盼當時情景等聞見
媯皇

重輯靜海縣志

卷八詩

善

補天恨莫捐精衛銜石心無變只恐滄桑世事非
罔
教苦節沒蘭幃書生竊幸簪筆健編年紀事深素願
非敢錯彩侈藻華聊備異禩徵文獻

三到會川二首

湖北謝庭書 拔貢

飢驅出門去行行西復東

六月至此復往大城七月
初始回津次茲又來此爲

柏崖襄三更牛渚月

時中秋
後三日

一路馬當風

幸得南風
半日卽至

城角遠山碧邨頭老樹紅
那堪秋稼熟搖曳浪花中

時秋水泛漲

四顧浩然幾度苦行役
鴻泥印會川圭賓新契合

文字舊因緣前兩次至此與柏厓商人比德星聚

柏厓喬梓竹林剪心如秋月懸偷閑商畫稿不讓米

燈夜話樂事也

家船無事即為同人作畫移任會川畱別河西務士民

邑佐焦頤齡廩生江蘇人輕裝檢點付征鞍二月春風祖帳寒百姓有情爭載

酒三年如夢偶遷官升沈數早前期定得失翁原平

等看贏得新詩滿行篋陽關高唱起吟壇

聞說新衙勝舊衙神仙眷屬好移家鶯花跌宕春方

重輯靜海縣志

卷八 詩

五

半詩酒風流興不差囊囊儘攜書卷去蓬萊先向故

人誇扁舟他日如相訪楊柳青青水一涯

郭雲卿光庭孝廉見示近作並惠湖穎賦詩誌謝時

主瀛海書院講席 焦頤齡

刪盡尋常蕪蔓詞獨從陳腐出新奇雲霞燦爛衣無

縫冰雪聰明筆有姿此事自然關夙養吾儕何幸得

名師燈窗百讀翻惆悵太息風塵遇合遲

年來橐筆走天涯東抹西塗只自嗟冷宦偶揮燈下

草管城非復夢中花縱橫文陣知無分持贈騷壇敢
拜嘉料想如椽君獨擅綵毫珍護絳帷紗

林薇園 培豐 少尉七十生日 焦頤齡

畿輔一官小誰能識此翁蕭然寒士况卓絕古人風

有酒還畱客無文可送窮至今談禦寇真氣尙熊熊

七年賊犯靜海君守獄門禁
眷屬不得離官舍城賴以存

祀竈逢新臘稱觴列綺筵一家歡聚日七秩古稀年

歸去老猶健醉來顛自憐行藏君善決作尉作神仙

重輯靜海縣志 卷八 詩 五

時君將以來
年夏仲告歸

靜海童試東鄭柏崖 土蕙 大令 焦頤齡

局試延多士南衙當棘闈偏師嚴有律小隊健如飛

得失爭毫末純疵辨細微自憐門外漢見獵總依依

憶昔塵文戰縱橫氣獨雄時賢低首避老輩賞心同

曩試金臺先達蔣丹林吳西穀卓海帆彭春農
馮適園諸先生均獎掖寒微並受文章知遇 知己

平生感浮名夢幻空青衫多少淚彈指卅年中

防河紀事 焦頤齡

直與蛟龍敵森然毛髮寒橫流波影濶陡起浪花團
國帑經時絀民情歉歲難書生真愧煞隻手挽狂瀾

邨落愁生計登高爲愴神滔滔天上水岌岌地中人
鴻羽三秋肅鷄衣百室貧監門勤撫字

時鄭柏崖宰靜海莫

待繪流民

查賑夜宿運河西岸大佛寺

焦頤齡

哀鴻猶窘稻梁謀極目蕭條悵此遊充膳更無鸚鵡
粒添衣誰假鷓鴣裘滿天風雪僧歸晚遍地瘡痍佛

重輯靜海縣志

卷八詩

七

見愁冷宦情懷何所似依然王粲舊登樓

東郭雲卿山長

焦頤齡

不能成佛不成仙醒讀元經醉證禪舉世疑君真怪
物同時著我亦前緣雙鬢競爲評詩價五斗公然足
俸錢安得並騎鸞鶴去高高天上聳吟肩

夏日讀蕭遠邨集遠邨以諸生應 召試充膳錄銓

福建莆田尉予亦以甲巳兩闈房薦挑膳錄入史

館出爲河簿浮生踪跡大致畧同意盤古開天後

造化小兒無甚高著不過陳陳相因顛倒遊戲耳
作長句紀之呈雲卿山長
焦頤齡

三年瀛海苦搜奇穎士風流幸在茲
天子命官因獻賦才人作尉只吟詩
生平薄宦畧相等身後浮名未可知
冰雪填胸清在骨把君佳卷卻炎颶

中秋與計鯤波廣文杜輔廷少尉牛越干李春圃兩
茂才對月飲酒
焦頤齡

閒官風味類儒酸佳節招邀苜蓿盤
良夜偶逢宜縱酒異鄉同客好加餐
廚無珍錯荆妻窘座有絃歌小婢歡
忽對月明思往事多年辛苦棘闈看

予以河吏承乏會川適雲卿孝廉主瀛海書院講席
衙齋咫尺各爲職業所羈不獲晨昏晤對妄冀一
二年後蠟屐有資雞肋可棄雲卿亦取干時策藝
盡付祝融入山惟恐不深使向禽未能專美洵樂
事也
焦頤齡

多時展齒印莓苔羅雀閉門任自開
戒酒頓驚詩思

減攤書誤惹睡魔來窮愁上策還鄉井垂老雄心冷
債臺時有索逋自保陽來者何日向禽同結伴巍巍五嶽薄遊
回

擢任景州佐畱別靜海九首

焦頤齡

雪浪風濤萬萬重年來隻手亦虧儂臨行擬借離筵
酒灑向河梁醉毒龍運河

瀾漫秋水逼孤邨冷竈無煙屋僅存幾度繪圖難著
筆傷心曾作鄭監門沿河兩岸鄉民

重輯靜海縣志

卷八 詩

五

密字千行爲論詩知君搦管手應疲何當更益奚囊
稿換取壘辛絕妙辭郭雲卿山長先生定余詩累萬言梨棗爲之生色

劉郎年少擅風流顧視騷壇屢唱酬記取西風燕市
月訪君徧詣酒家樓劉子年茂才蔭椿工詩善飲屢和予詩而未謀面奇士也時劉

將應舉入都

尊前有酒且高歌唱到陽關可奈何自笑麤官絕風
雅送行偏是秀才多秀才

同舟共濟亦前緣宦轍將分倍惘然從此郵筒須著

意官書中有故人箋 同官

飢寒隨我為謀生送我依依各有情我亦臨岐畱贈

語官家事了早歸耕 河營老兵

三年小住儼成家廨舍粗完又及瓜莫道宦情無挂

礙最難割捨滿園花 廨舍

舊栽短竹傍西廊今日臨風如許長寄語後來人愛

惜此君便是老甘棠 窗前竹數竿
余手植也

呈瀛海書院山長郭雲卿先生 邑人劉蔭椿 拔貢

重輯靜海縣志

卷八 詩

李

士林為表復為坊館課餘閒也註莊盛德恰符瀛海

量談經近接鄭公鄉 邑尊鄭公官課
卷亦先生校閱庭儲桃李栽培

厚室有芝蘭氣味長慚愧寄人籬下客年來未得列

門墻春風至教勝雷霆先正於茲得典型說項自同

心保赤撫躬深愧眼垂青襴衫累我何嫌瘦破硯磨

人未肯停堪笑十年窮措大且夫賦得總無靈

王申元日

湖北郭光庭 舉人

客旅何堪百慮煎排愁惟有學逃禪心安那得不名

佛身健原來卽是仙情識已能除俗累見聞猶未淨
塵緣著空著相殊多事妙處都無一字傳

和劉子年蔭椿明經贈詩原韻 郭光庭

詠到芳州不屬坊新詩流利雜端莊建安風骨真才

子公幹文章重帝卿聞道棣華爭秀發賢昆玉俱喧

傳桑梓擅兼長君有詩書畫三絕之稱笑他珊網難收拾窺探

空登宋玉墻

燒尾風雲走怒霆舊科今愧說新型念年席帽難拋

重輯靜海縣志

卷八詩

空

白自辛亥至今二十餘年上春官者八次五載寒氊尙擁青戊辰科入都報罷後

卽赴部投供在近畿一帶籍筆耕劬口先年主獻縣日華書院後來此地壘燕經營終日

倦磨驢旋轉幾時停儒冠一著真成誤枉向陳編費

乞靈

和焦王甫隨齡州佐讀蕭遠邨詩見示原韻

郭光庭

居然臭味合岑苔詩卷今番有益開心賞恰同知己

晤神交如見故人來幾番別足猶懷玉一曲纏頭又

上臺自是欲歸歸不得諷君佳句兩三回

非馬非驢狀太奇官民參半比龜茲在吏部澄叙堂驗到與道府同

列供結稱謂色色皆官及出吏部門依然百姓耳尚多俗累空談佛絕少靈

光愧說詩作郡那能逃鬼笑焚香只不畏神知買田

稍慰東坡願飽挂蒲帆趁晚颺

勸俗俚言

邑人鄭廉善舉人

莫把謀生小小看須防廉恥喪饑寒有時要裕無時

用免致無時後悔難

重輯靜海縣志

卷八 詩

三

消長盈虛理不移挽回氣運在人為勸君隨處留餘

步莫到山窮水盡時

未雨綢繆法聖賢莫將人事諉之天從來勤儉邦家

本兩字能持造物權

用財道理要詳參慳吝人情便不堪自是戒貪須用

儉還防過儉即為貪

刻薄成家富幾時福因德厚理無疑多藏不及多行

善冥漠從來有報施

珍錯紛陳酒百壺貴交富友座間呼萬錢日費揮閒
事也繼飢寒升斗無

君子從來責已多任他求我漫求他逢人便說人情
薄自問生平厚幾何

懶惰驕奢困苦隨防貧須及未貧時有人若採芻蕘
話頭件洋煙莫學吹

達道條條在五倫不虧大節乃爲人尋常毀譽關何
事可對神明問性真

重輯靜海縣志

卷八 詩

三

窮達誰能與命爭但安本分要心平怨尤歆羨都無
益君子從來素位行

咸豐三年九月二十八日髮逆十餘萬占据靜海縣

城結寨獨流鎮隔年正月初九日始西竄縣城迤

北獨流迤南賈口迤東良王莊迤西焚掠一空而

王家莊王家院李家院府君廟白羊樹五邨焚毀

尤甚界賊寨之間故也旋里時雪壓邨墟不辨故

鄉何處詩以誌感

邑人 鄭懷珍 舉人

燒殘餘燼慘留痕片瓦無存積雪屯穉子可憐驚未
定到家猶問是何邨

破屋聊同烏鼠居吁嗟每食更無餘從今凡事當知
足莫漫驕奢惱太虛

恭進

聖駕巡幸淀津

闕視河隄賦

蕭重邑廩生

維著雍執徐之歲宿月之吉

瑞應駢臻

嘉祥既溢拓迹開統風同道一

皇上乃遍山川勤望秩雍神庥廣治術以豫以遊無荒無

逸

重輯靜海縣志

卷八賦

奎

前緒

丕承

舊章

祖述是協靈辰用占良日星布雲敷雷馳電急統九有以

含薰奔入神而

警蹕于是陽子驂乘攝提運衡雨師灑路風伯隨行朱旗

日暎翠幃霞明前驅魚麗屬車塵清燕山萃秀易水

停聲嶷筍輿以鳳翥磁鼉鼓以鯨鏗柳欵斜以舞送

桃旖旎以笑迎快蒸黎之茂育欣賦畝之縱橫鳥處
處以催種民熙熙以知耕草油油以含露木欣欣以

向榮瞻

瑤光之晻藹聽

鑾響之和鳴誠衢歌之載道繪有象之

太平迺者歷華陽過涿鹿望荆城凌柳宿張錦帷擁華
轂勢巍巍斑肅肅聲闐闐容穆穆羽蓋連雲鑪香散
馥繚繚綃紈翠縈紅簇忽碎隱以陸離恰蒙茸而繁

重輯靜海縣志

卷八 賦

奕

複建辰旒之

太常窮亥步于原陸御璫弩兮重旃燦朱旒兮青屋惟

星陳以

天行乃日沐而月浴是時也品物交和陰陽暢育民事勤
勞

仁風捷速同軌量與律衡齊急舒于寒燠覽固節之高原

度瓦林之斜矗抵趙北兮燕南駐朱輪兮玉軸

聖人于是致賚九扈

樓名望海梵宇爭輝榮光煥彩圓嶠遙臨方壺宛在則見
夫海童宴設江叟筵開潮波汨起汐浪裊裊歎霧蒸
晴瀛濼喧歷天吳夜遁罔象潛回飛滂相硤激勢交
摧崩雲屑雨掣電驚雷沙石之汨巖坻之隈水精之
府黑齒之臺天琛水瑞紛至沓來百靈咸若萬象無
猜擘洪波之廣麗竭盤石之雄恢戲窮溟於天沼乃
密邇於蓬萊於是乎

離宮別館高廊四注夷嶮築堂累臺隱霧璀璨碧瑤紆回

重輯靜海縣志

卷八 賦

奕

輦路青龍蚺蟻以周流白象婉俾以停駐步欄繞以相連
巖菱排以無數紛蕙圃而蘭畦錯瑤花而琪樹聽韶
獲之遺音列陶唐之妙舞將東暢以

膏流阜南薰而

惠布固已四表乂安八方企慕矣

天子乃敲麗句摘春華

思睿以綯

旨正而葩包容宇宙組繪雲霞

龍文已轡

鳳藻紛拏惟

聖聰之天直曠今古而靡涯乃

命羣臣拜颺

中旨浮藻聯篇英華繼美鋪魚網以抽思界烏絲而奏技
所以仰奮乎

絲綸而揄揚乎

咫尺者也則有舉行

重輯靜海縣志

卷八 賦

九

憲典廣設詞場彙征多士含咀芬芳修容乎禮義之圃馳
騫乎雲漢之章咏華平於

上苑美朱草於中唐盡忠孝以宣

德美雍容以對揚備

昇平之潤色擬宋豔而班香蓋

聖人握金鏡而羣材得効其微長所以

至化滂溢

庶聲遠揚收驩還軫分旆迴塘車雷殷而風厲馬鹿起以

龍驤

皇極建而錫福

祖武繩而不忘靈祇之所保綏蒼生之所平康縉紳之所敷

納經綸之所弛張行

賚錫之盛典銘勳庸於

太常迥超前而軼後允咸帝而登王謹作頌曰於鑠

帝德四表光被踐義履仁敬天法地海晏河清雙岐九穰

穆穆

重輯靜海縣志

卷八 賦

李

聖皇勵精圖治克享天心允諧輿志

大德曰生

大寶曰位斯道實光儀型畢備兆民賴之及億萬世

太上皇帝紀元周甲授受禮成恭賦 集文選句邑人牛曾受

舉人

顯朝惟

清曹植七啟劉歆繼統揚業移太仁風翔乎海表班固盛烈

光乎重葉顏延之造化權輿左思涓曜六合陸

白馬賦

都賦

魏

機

元冥圖宣
猷堂賦詩

洪德施 張衡西京賦

皇歡浹 班固東都賦 聿修

祖宗之志 于寶晉紀總論 重熙而累洽 班固東都賦

大平之功 王褒四子講德論 與唐比蹤 曹植責躬詩 繼韶夏 司馬相如封禪

文乘時龍 班固東都賦 遭千載之嘉會 潘岳西征賦 究

皇儀而展

帝容 班固東都賦 宅中拓宇 顏延之宋郊祀歌 文則時雍 曹植責躬詩 握樞

輯靜海縣志 卷八 賦 三

臨極 王融策秀才文 草偃風從 任昉策聞秀才文

王會之阜昌 顏延之赭白馬賦 圖

皇基於億載 班固西都賦 穆將愉兮

上皇 屈平九歌 躋俗於仁壽之地 王融策秀才文 乃握

乾符 班固東都賦

太上正位 顏延之讌曲水賦 則古昔而論功 班固東都賦 踵義皇而齊

泰 曹植七啟 遵彼承華 陸機贈馮文熊詩 儀辰作貳 顏延之讌曲水詩 開

元

首正顏延之宋郊祀諫

昇平之際曹植求自試表

繼體承基張衡西京賦光有

神器陸倕石闕銘昔在帝堯之禪班彪王命論無今日之

至治何宴景福殿賦冀以塵露之微曹植求自試表上陳

景福之賜王融三月三日曲水詩序喜歡無量應璩與從弟書頌曰盛哉乎斯

世班固東都賦昔者司馬相如難蜀父老文舒

盛德司馬相如封禪文懋

重輯靜海縣志 卷八 賦 三

乾乾張衡東京賦中述

祖則班固典引下派入埏司馬相如封禪文敷文化以柔遠王融三月三日曲水詩序

養更老以崇年潘岳閑居賦符采彪炳左思蜀都賦武節是宣

張衡東京賦積威遐屬潘岳關中賦卷旆收鸞張協七命北指崑崙

左思蜀都賦西盪河源班固東都賦信及翔泳顏延之燕曲水詩潤以

醴泉稽康養生論蓋以膺當天之正統班固典引前聖靡得言

焉班固東都賦於是

皇澤豐沛王褒四子講德論旁魄四塞司馬相如封禪文稟元氣於靈和

郭璞信

聖祖之蕃錫顏延之赭白馬賦外綏百蠻班固東都賦保生萬國王融三月三日

曲水望詩序

翠華兮歲粦張衡南京賦又沐浴於膏澤班固西都賦盛三雍之上

儀班固東都賦總八方而為之極班固東都賦時維篤類曹植責躬

詩子子孫孫揚雄甘泉賦金枝中樹顏延之末郊祀歌同量乾坤

曹植謂之大寶潘岳西征賦以章

至尊司馬相如封禪文方四三皇而六五帝何宴景福殿賦

重輯靜海縣志 卷八 賦 三

受厚福以浸黎元司馬相如封禪文備

皇居之制度何宴景福殿賦蒙

聖主之渥恩王褒洞蕭賦星虹樞電劉峻辨命論不可殫論班固西都賦

遂亭

皇極于寶晉紀總論斟洪範左思魏都賦

君彼東朝顏延之謙曲水詩乘茵步輦班固西都賦爰敬盡於

一人王融三月三日曲水詩序百姓同於饒衍張衡東京賦乃崇禮官班固西都

賦乃為序

金策 張衡西京賦 見

太上聖明 王褒四子講德論 上壽百二十 稽康養生論 稱

萬壽以獻觴 潘岳閒居賦 而執玉帛者以萬國 左思吳都賦 偃佺之

倫 司馬相如上林賦 千叟種德 劉峻辨命論 袞龍比象 陸機漢高祖功臣頌

金匏在席 王融三月三日曲水詩序

正體毓德於少陽 顏延之三月三日曲水詩序 鳳凰來儀而拊翼 成公綏嘯

賦 協靈辰 楊雄甘泉賦 順斗極 揚雄長揚賦

聖皇紹祚 潘岳關中詩 五方率職 顏延之赭白馬賦 輦賈踰嶂 顏延之讌曲水

重輯靜海縣志 卷八 賦 七

詩 越裳重譯 應貞華林園集詩 聖人之大寶曰位 李康運命論 此

君子所以自強不息也 劉峻辨命論

聖儀載佇 顏延之三月三日曲水詩序 眷戀

庭闈 東哲補南陔詩 能本而孝 潘岳籍田賦 為萬世規 司馬相如難蜀父老文 惟

帝惟

祖 顏延之赭白馬賦 侯其禕而 張衡東京賦 休徵之所偉兆 左思魏都賦 嘉美

名之在茲 潘岳西征賦 察卑宮於夏禹 左思魏都賦 慕唐虞之

茅茨 張衡東京賦 下獻南山之壽 王融三月三日曲水詩序 人詠康哉

之詩何寘景鋪鴻藻班固東揚

洪輝班固

整秋御張衡建

華旗班固西榮鏡宇宙班固萬物熙熙司馬相如鳥奕

乎千載班固蓋乃遭遇乎斯世也班固東同乎大順

稽康養普天所覆揚雄長屢降瑞福王褒四子延慶

於後范蔚宗二十貝胄星羅王融三月三並進輻湊

者東方朔積靈祝而方多鮑昭舞窮山海之瓌富孫

重輯靜海縣志 卷八賦 七

遊台其

其德也張協上膺

萬壽顏延之三月三其

垂仁也張協

馨烈彌發張衡西是以愚臣徘徊於

恩澤曹植上責躬且觀

大化之滄流王褒四子豫同夏顏延之謙舉實為秋張

七命嘉祥徽顯而豫作左思魏餘糧棲畝而弗收左思魏都

賦 都人仰而朋悅顏延之赭 必求宗於九疇王少頭
白馬賦陶寺碑

文

運鍾下武王融三月三日曲水詩序

澤從雲游張衡東京賦 宜命掌故司馬相如 以闡封禪文

大猷孔安國 其詞曰班固西 惟都賦序

清緝熙班固封燕 熙然山銘

帝載兮班固封燕 於赫然山銘

太上班固辟 位厥對兮楊雄甘 泉賦

重輯靜海縣志 卷八 賦 美

業光

烈聖顏延之謙 紛龐鴻兮王逸魯靈 光殿賦

皇極肇建應貞華林 驛飛龍兮張衡南 萬祥畢臻王褒聖 主得賢園集詩

臣冠 眾藝兮稽康 琴賦

皇上纂隆陸雲大將軍謙 遇今世兮稽康 風雨玉燭王融 策秀會被命作詩

才雲 飛揚兮楊雄甘 春王三朝班固東 瑞穰穰兮楊 雄泉賦

甘泉揚采

軒宮謝莊 于胥德兮楊雄甘 發祥流慶班固 長無極兮月賦

楊雄甘
泉賦

重輯靜海縣志

卷八賦

七

附錄補遺雜記

錄於耳食之餘附諸尾卷之末附錄所爲稱也志旣成事有遺漏從而補之於諸門無所附麗拉雜綴焉集千腋之裘總此密縫合五侯之鯖並堪大嚼古有西京雜記酉陽雜俎杜陽雜編癸辛雜識此物此志也蠹留贖字蠶吐餘絲一覽無遺或不無小補云爾

萬曆三十三年三月獨流河東居民宰雞毛去皮上有李林甫三字夫白起將也他生爲牛而雷殛之林甫相也他

重輯靜海縣志

卷八

雜記

亥

生爲雞而人烹之當其威福橫作纔十數年耳豈知劫報至此之極哉

獨流里王登梯飼犬二父命出買葦柴梯呼犬俱行梯年十六歲攜錢九百文爲同夥僱工李萬成所窺會風沙晝晦誘與同行攫其錢殺梯於馬河埋屍柴草中二犬歸嚙其父王守信衣引至死所若號泣狀父得子屍問同行者控縣訊明抵罪

道光七年四月磁州地動折斷盜河石橋於今四十餘年

矣問諸靜邑人有言此年此間地動者有言記憶不確者
事在含疑故災異類未紀按鉤星在房心間則地動見論
衡

咸豐三年髮逆初次擾北直竄靜海時承平日久人不知
兵皆窘急無措邑令江安瀾倉皇出走至各鄉衆皆不納
後抵西寨卹廟不食兩日矣廟有老道士憐之爲具食無
調和物持盞別卹乞醢甫出有土匪二隨入識江持刀逼
索金貲江無以應遽斫江臂江警奔而出投廟外水窪中

重輯靜海縣志

卷八

雜記

羌

兩匪坐岸傍伺之慮其起而復活也道士還急呼卹人撈
救氣雖絕胷膈微溫匪強眞窖中以土覆之而去後數日
匪騎驢經唐官屯一役坐茶肆中江魂附役體直前撿之
對衆數其逼官戕命之罪衆驚異協力撿獲送青縣爾時
宰青縣者爲鄧松坪杖匪立斃其一竟漏網靜民之爲民
於此可見一斑或云二匪一姓劉一姓段段爲縣役

縣城東北小孫莊居民五六十家其少而壯者皆精於火
器蓋平日以打野鴨爲生故施放排鎗鳥鎗如養叔之矢

貫柳葉焉同治七年捻匪竄至靜海屬聚該邨而邨外深水環抱賊不能入遙以鎗礮嚇之居民用火鎗捍禦斃者傷者甚衆賊遂駭然奔散夫以鄙陋荒村賊圍數匝竟如岳家軍之不可憾是足以風矣嗣蒙 崇宮保奏請獎勵給六品銜者七人曰孫桂堂孫廷棟孫成孫榮孫治全孫升柳文平

苑蘭香者刑部司務干錦澧之母之婢女也錦澧迎母在京買蘭香役使母愛其幼而慧體恤周至常爲講說閨誡

重輯靜海縣志

卷八 雜記

六

蘭聽之悅左右母幃刻不忍離不知者以爲母之兒孫非婢也同治七年于母病故蘭香號泣不輟低語女伴春香曰老夫人去世我將誰依惟有相從地下耳春香稍鈍不知言之悲痛也而忽之當其時錦澧與母整修衣衾旣而問蘭香安在春香以啟後門往小院對且曰蘭香使我勿言急視之則解衣帶縊死花架矣嗚呼蘭香十一歲幼女尙知殉主世之鬚眉兒郎奈何負恩不報耶

洋芬港張謨以販鴨起家同治己巳庚午間忽動修廟之

興捐貲建營身自督工用不敷鬻產以給邑城爲南北孔道街盡南舊有三皇閣歲久傾圮謨獨力捐修閣上層正中塑三皇像旁列十名醫頗壯麗閣下層南向塑太陽太陰旁立十二地支牛頭鬼怪羅列怖人北向塑大士壁畫法華經三十二應規制不甚廣而煥然一新北地黃沙白草平野無垠令人悶悶登南閣以望則遠樹浮青長隄疊翠波光帆影足動人清曠之思邑中游瞻之區此爲最勝歷年頽廢埋沒於荒煙蔓草中一旦更新張謨之力也南

閣竣復捐修北街之真武廟費視南爲省而力已不支後遂不復他建矣辛未夏間淫雨不止民房傾頽殆盡謨家亦然謨竟爲排牆所斃人咸曰佛無靈也予曰不然昔梁武帝三次捨身同泰寺修造之費以億萬計達摩初祖自天竺航海而來帝以建修之功德問答言並無功德又問如何是佛答曰無佛是佛與帝不合遂之少林厥後武帝餓死臺城達摩爲震旦五宗之初祖達摩真知佛者也梁武不知佛者也今謨所費不及蕭老公萬分之一而欲以

是責報於佛佛固以空爲體者貪人之崇奉而異以福又豈足爲佛乎哉我則曰張謨裝點名勝固風景之功臣而其死則於佛無預焉

重輯靜海縣志跋

同治十一年壬申會垣續修畿輔通志飭所屬州縣採訪事實以聞屬吏各奉命惟謹籌款項設公局派編纂聘博聞士以董其成誠重其事難其事也檄下靜海 邑賢侯

爲關中鄭柏崖先生謂靜菴爾邑災祲屢告閭里蕭索不

重輯靜海縣志

卷八跋

全

欲重勞民間乃諮諏網羅右握槩左提鉛躬操觚翰以一

人之身而志局之採訪分輯總纂諸事備焉或編撰已竟

再加考核務底精詳或起艸未終公事倥傯力難兼顧則

屬不佞彌縫之積數月之力始得同條共貫成一家言錯

而陳之爲目卅有奇比而屬之爲卷凡八要其大旨所在

厥有四端首則徵信採摭事料耳目寄人本地人傳本地

事戚戚桑梓難免躰言當時人述當時事瑣瑣姻婭不無

溢美兼聽以區其真僞合審以決其從違無謗無佞美哉

核而瞻哉次則擇尤邑居海濱陽侯勢張福惠最烈河渠水道審度必詳總標以括之分序以宣之稽古以徵之按今以索之而勞臣耆哲之所經營迺非虛措焉美哉周而遠哉次則訂訛舊志所紀乖謬實多功利誇詐之私在所不免筆焉削焉辟焉灌焉面目肖其本來是非衷諸賢聖焉美哉謹而嚴哉次則持論畢兩箕風芸生至蹟彝倫攸斃亂獄滋豐各條之後綴以論斷或微言引其端或暢談竟其委或慷慨抒其憤或隱約致其規彬彬之士蚩蚩之重輯靜海縣志

卷八 跋

三

氓獲端所向焉美哉實而栗哉颯颯乎泱泱乎其有陸清獻靈壽志之遺風焉書既成本欲捐囊付梓而門下士文生崔小山憐師清貧慨助銀五百兩贊成其事視世之費粟糜金聚儔歎侶者其任事之勞逸負才之長短爲何如人之度量相越豈不甚遠哉不佞咽瓊餐硯數載於茲稔知先生之爲政介不絕物和不徇人不矯情以爲廉不市恩以爲惠竊常拳拳服膺焉清也慎也勤也非惟修志然也而修志亦其一斑後之覽者於先生之學道愛人卽

所志殆有以測其端倪也乎同治癸酉仲夏楚蘄郭光庭
跋於瀛海書院